

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška budžetskih sredstava za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2023. godinu, broj: 02-11-11258/23 od 12.07.2023. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 31. sjednici, održanoj dana 10.08.2023. godine, d o n o s i

ODLUKU

o odobravanju sredstava za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2023. godinu

Član 1.

(Predmet)

(1) Odobravaju se sredstva za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona u ukupnom iznosu od 230.000,00 KM (slovima: dvijestotinetridesethiljada konvertibilnih maraka).

(2) Odobrena sredstva odnose se na realizaciju sljedećih projekata:

Redni broj	Grad/Općina	Projekat	Opis poslova	Planirana sredstva/KM
1.	Grad Zavidovići	Vodosnabdijevanje naselja Mjesne zajednice Rujnica sa gradske vodovodne mreže Grada Zavidovići-Faza I	Izgradnja komunalne (vodovodne) infrastrukture	200.000,00
2.	Općina Maglaj	Izgradnja vodovoda Domislica (Brezove Dane) u Maglaju	Izgradnja komunalne (vodovodne) infrastrukture	30.000,00

(3) Odobreni projekti realizovat će u skladu sa zaključenim ugovorima nakon provedenih odgovarajućih postupka javne nabavke, a sve u skladu i na način utvrđen Zakonom o javnim nabavkama BiH („Službeni glasnik BiH“ broj: 39/14 i 59/22).

(4) U slučaju da je visina iznosa ukupnih nabavki iz člana. 1. stava (2) ove odluke veća od odobrenog iznosa, Grad Zavidovići i Općina Maglaj preostali iznos finansira iz vlastitih sredstava.

(5) U slučaju da je visina ukupnih nabavki iz člana. 1. stava (2) ove odluke manja od odobrenog iznosa, za preostali neutrošeni iznos Grad Zavidovići i Općina Maglaj izvršit će povrat sredstava na račun Zeničko-dobojskog kantona.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 23, budžetska organizacija 03, potrošačka jedinica 0001, subanalitika NAD 409 - Ministarstva za poljoprivredu, šumarstvo i vodoprivredu za komunalnu infrastrukturu, ekonomski kod 615100, pozicija „Kapitalni transferi drugim nivoima vlasti”.

(2) Sredstva odobrena ovom odlukom će se transferisati na račune Grada Zavidovići i Općine Maglaj.

Član 3.
(Provođenje Odluke)

Za provođenje ove odluke zadužuju se Ministarstvo za poljoprivredu, šumarstvo i vodoprivredu, Ministarstvo finansija i Grad Zavidovići i Općina Maglaj iz člana 1. Odluke, svako u okviru svoje nadležnosti.

Član 4.
(Izvještavanje)

(1) Grad Zavidovići i Općina Maglaj dužni su izvijestiti Ministarstvo za poljoprivredu, šumarstvo i vodoprivredu o namjenskom utrošku sredstava, dostavljanjem kompletne dokumentacije o izvršenim nabavkama navedenim u članu 1. ove odluke (ugovori, privremene i konačna situacije, fakture i sl.) i dokazima o uplati sredstava dobavljačima.

(2) U slučaju da se utvrdi nenamjenski utrošak sredstava Ministarstvo za poljoprivredu, šumarstvo i vodoprivredu poduzet će zakonom predviđene mjere.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-12655/23

Datum, 10.08.2023. godine

Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Grad Zavidovići, putem Ministarstva,

1x Općina Maglaj, putem Ministarstva,

1x „Službene novine Zeničko-dobojskog kantona“,

1x a/a.